

ÅRSMELDING

Stiftinga Kriesenteret i Sogn og Fjordane

2022



Kriesenteret
i Sogn og Fjordane

www.kriesenteret.sf.no



INNHALD

4	Styreleiar har ordet
5	<i>Kapittel 1.</i> Krisesenteret i Sogn og Fjordane sitt tilbod
9	<i>Kapittel 2.</i> Overgangsbustader
10	<i>Kapittel 3.</i> Lokaliteter og tryggingstiltak
11	<i>Kapittel 4.</i> Nøkkeltal for 2022
13	<i>Kapittel 5.</i> Organisasjon
16	<i>Kapittel 6.</i> Drift og økonomi
17	<i>Kapittel 7.</i> Reknskap og revisjonsmelding 2022
19	<i>Kapittel 8.</i> Dagleg leiar sine betraktningar for 2022 og vegen vidare
20	<i>Kapittel 9.</i> Krisesentertilbodet sitt formål



Styreleiar har ordet

Dagleg leiar ved Stiftinga Krisesenteret i Sogn og Fjordane, Anja Korneliussen, viser i sitt innlegg i denne årsmeldinga til den viktige rapporten frå NKVTS (2023). Rapporten syner resultatet av omfangsundersøkelsen om vold og overgrep i den norske befolkningen, (rapport nr 1. 2023). Rapporten viser til den store auken av unge kvinner under 29 år som vert utsett for alvorleg fysisk partnervald, og at majoriteten ikkje oppsøker politi eller helsevesen for hjelp. Rapporten viser også at tilliten til politi, rettsvesen og helsevesen har minka, og nok ein gong trekkjer forskning fram at størstedelen av valden i heimen skjer mot kvinner, «by the hands of men», som WHO seier det. Eg stiller meg sjølv nok ein gong spørsmålet: Kvifor er det blitt slik? Er vi flinke nok til å synleggjere kva denne valden handlar om – heilt konkret? Eg møter stadig på menneske som trekker likegyldig på skuldrane når dei høyrer nemninga «vald i nære relasjonar». Er nemninga gått ut på dato? Er den framandgjerande? Forstår vi at dette faktisk handlar om ei dotter, ei mor, eller eit lite barn som heilt konkret blir slått helselause av den som skulle vere den modigaste og kjærlegaste riddaren som ville kome fykande på den kvite hesten sin for å verne dei og heimen deira mot alt vondt? Men som i staden blir den som syter for at mange mistar førlegheita og endåtil livet? Kor har det gått gale? Kven har svikta? Eg? Du? Politikarar? Markedet? Skular som legg vekt på utdanning i staden for danning? Andre?

Eit interessant tal i statistikken på Krisesenteret i Sogn og Fjordane, og som vi har sett gjennom fleire år, er at det største talet på bebuarar hos oss er faktisk talet på born! Borna har høyrte og sett, og fleire har opplevd sjølve å bli mishandla. - kanskje medan dei prøver å beskytte mor frå far? Born som lever og har levd lenge i angst- Kva gjer valden med dei? Samstundes vert det rapportert frå fleire skular i landet, også i vårt eige fylke, vår eigen kommune, at fleire born heilt ned i barneskulealder løyser eigne både indre og ytre konfliktar med valdshandlingar - både mot andre born og mot lærarar. Lærarar melder om fysiske angrep mot dei, i tillegg til psykiske, og både lærarar og born blir sjuke. Ein manglar reiskap til å takle problemet! Det er verdt å tenkje samanhengar og utløysande årsaker her, og det er absolutt verdt å tenkje at desse borna blir vaksne om nokre få år. Kven vil dei då utøve vald mot om ikkje nokon hjelper dei å snu? Kjærasten? Borna sine? Foreldra? Er det dette vi ser allereie, og som rapporten frå NKVTS trekker fram? Eg veit ikkje, men eg veit at å nytte vald som reiskap når ein blir

frustrert og føler at ein står fast, i staden for dialog og samtale og undrande spørsmål, gjev skadelege ringverknader både i barnehagar, skular, familiar og i samfunnet for øvrig, og også for valdsutøvar! Og eg veit at tilsette i krisesentra i landet vårt vil ha meir enn nok å jobbe med i overskodedeleg framtid. Vi treng framleis gåver, pengar og samarbeid på tvers av kommunegrenser- og endåtil landegrenser, og vi treng auge som ser, og øyrer som høyrer. Tusen takk til de som framleis stør opp om oss!

I følge vedtektene til stiftinga Krisesenteret i Sogn og Fjordane står det i §3. Føremål:
a) Hjelp menneske som har vore utsette for psykisk og fysisk mishandling.
b) Drive haldningsskapande arbeid ved å synleggjere og skape debatt om den private valden.

Det er del B eg prøvar å løfte no, og styret har for tida fokus på denne paragrafen, og korleis vi skal jobbe framover for å synleggjere dette illevarslende problemet. Men dette kan vi ikkje gjere aleine! Vi må gjere det saman – kommunar, barnehagar og skular, helsevesen, politi, media, undervisning, rettsvesen, og vi må involvere oss for kvarandre, og «ikke tåle så inderleg vel den urett som ikke rammer oss selv».

Takk til alle som bidreg – både i jobben på krisesenteret, og lojale støttespelarar både i livsverda og systemverda!

Venleg helsing,



Siv Førde

Styreleiar i Stiftinga Krisesenteret i Sogn og Fjordane



1. Krisesenteret i Sogn og Fjordane sitt tilbod

Krisesenteret i Sogn og Fjordane er ei stifting. Drifta er organisert i eit interkommunalt samarbeid etter administrativ vertskommunemodell (Kommunelova 28 a) der Kinn Kommune er vertskommune. 17 kommunar i tidlegare Sogn og Fjordane har delteke i samarbeidet.

Vårt tilbod inneheld fylgjande tenester:

- Telefonvakt, ved akutte og langvarige behov for bistand knytt til vald i nære relasjonar kan ein ringe vårt nummer og få informasjon, råd, og rettleiing heile døgnet. Kartlegging av situasjonen og vurdering av trusselbildet og sikkerhet starter ofte i slik samtale.
- Vern og tryggleik, ved behov for ein skjerna og trygg plass å opphalde seg i ein periode om ein må forlate heimen sin. Butilbod for valdsutsette vaksne og barna deira.
- Dagtilbod med samtaletilbod, informasjon, råd, rettleiing om ein ikkje har behov for å komme og bu på krisesenteret, men likevel ynskjer hjelp.
- Støtte og hjelp i kontakt med andre instansar, som helsevesen, politi, NAV, familiekontor og andre.
- Oppfølging i re-etableringsfasa, til dømes hjelp til å finne bustad, råd og rettleiing, praktisk hjelp, heimebesøk, delta i ansvarsgruppe ved behov, og anna.
- Rådgiving frå advokatar som er knytt til krisesenteret si rettshjelpsordning.
- Barnefagleg hjelp ut i frå kvart enkelt barn sitt behov.
- Overgangsbustadar, stiftinga har 9 overgangsleiligheter som ein kan leige i ei overgangsfase etter utflytting frå krisesenteret.
- Utadretta oppgåver som informasjon, opplæring og undervisning, kontakt med media.



Butilbudet

Butilbudet er eit lågterskel beskytta og midlertidig tilbod til vaksne og borna deira i akutt krise grunna vald i nære relasjonar. Eit opphald på krisesenteret inneberer at ein får eit eige rom med bad, og tek del i eit bufelleskap med felles kjøkken og stover. Krisesenteret har særleg kompetanse på å gi vern, tryggleik, råd og rettleiing til valdsutsette menneske. I fylgje krisesenterlova skal tilbodet til menn ikkje vere samlokalisert med tilbodet til kvinner. Butilbudet til menn er i eit anna hus der personalet på Krisesenteret er tilgjengeleg heile døgnet. Tilbodet er gratis, også mat. Butida på krisesenteret vert tilpassa brukarane sine individuelle behov, men målsettinga er at opphaldet ikkje skal vare lengre enn 3 månader. Nokre vert likevel buande på senteret lenger grunna stort behov for vern og tryggleik. I samarbeid med bebuaren vert det etter ankomst utført kartlegging av situasjonen, og tiltak vert sett i verk så snart som mogleg.

Dagtilbudet

Det er mogleg å oppsøke krisesenteret for samtaletilbod, informasjon om rettar, støtte, praktisk hjelp, kontakt med andre hjelpetilbod, råd og rettleiing utan å bu her. Dette gjeld og personar som har behov for oppfølging i reetableringsfasen. Krisesenteret har også moglegheit til å reise ut til dagbrukarar for å ha samtale der ein oppheld seg.

Likeverdige tenester

Menneskjer er ikkje like, og kan difor ikkje behandlast likt. Krisesenter-tilbodet er tilgjengeleg for alle som er utsett for vald i nære relasjonar. Vi legg difor stor vekt på å møte kvar einskild med hjelp og skydd som er tilpassa dei opplevingane kvar og ein har med seg. Krisesentertilbodet er tilgjengeleg for alle som er utsett for vald i nære relasjonar.

Tilbodet er tilpassa brukarar med funksjonsnedsetningar. Avhengigheit til andre menneske aukar sårbarheita for vald og overgrep. Det blir vanskeleg å komme seg ut av forholdet dersom ein er avhengig av dagleg stell og hjelp av den som er valdsutøvar. Risikoen aukar med graden av funksjonsevne og behovet for hjelp. Personar med funksjonsvariasjonar opplever overgrep like ofte som andre, men dei lever med valden over



lengre tid. Dei kan også oppleve grove overgrep i form av å bli nekta hjelpemiddel, mat, medisinar og naudsynte helsetenester. Mange har låg inntekt og svak økonomi, og kan i tillegg være redd for å miste sitt sosiale nettverk. Krisesentertilbodet samarbeider med omsorgstenesta i kommunane.

Menneske med annan etnisk bakgrunn treng ofte meir oppfølging under opphald på senteret og etter re-etablering. Mangel på familie og nettverk, språkproblem, lite kunnskap om det norske samfunnet og korleis hjelpeordningar fungera, er nokre av årsakene til dette. Krisesenteret nyttar autorisert tolk i individuelt oppfølgingsarbeid. Bufellesskapet vert organisert og planlagt med takhøgde for ulike behov i høve mat, tradisjonar og liknande.

Menneske med rusproblem eller psykiske lidingar har og rett til eit krisesentertilbod. Frekvensen av vald er høg blant menneske i desse gruppene. Krisesentera skal ha eit skjerma butilbod til valdsutsette med utfordrande rus eller sjukdomsrelatert åtferd. I dag er lokalitetane slik at Krisesenteret i Sogn og Fjordane ikkje i alle tilfelle kan gje eit skjerma bu tilbod til denne gruppa. Det vert vurdert i kvar enkelt tilfelle om personen kan integrerast i bufellesskapet. Dersom dette ikkje er mogleg må kommunen syte for eit høveleg bu tilbod, og krisesenteret kan yte hjelp og støtte i høve valdsproblematikken. Eit godt samarbeid med andre instansar er heilt avgjerande for å kunne gje denne gruppa eit likeverdig og godt tilbod.

Barna på Krisesenteret og barnefagleg arbeid hos oss

Barnefagleg team har ansvaret for oppfølging av barna på krisesenteret, og syt for at behova deira vert ivareteke. Barnefagleg ansvarleg gjennomfører kartlegging, risikovurdering og utarbeider tryggleiksplan for barna. Krisesenteret samarbeider med skule, barnehage og øvrig hjelpeapparat. Tiltak i høve barna skjer alltid i samråd med den føresette som dei kjem til senteret saman med. Barnefagleg team utarbeidar aktivitetsplanar, og legg til rette for gode aktivitetar under opphaldet. Så langt det er mogleg legg krisesenteret til rette for at barna kan halde fram med sine vanlege aktivitetar. Under opphald som varer lenger enn 1-2 veker går barna på skule i Florø. Når det er kortare opphald, og familien skal tilbake til heimkommunen, går dei ikkje på skule,





men det vert lagt til rette for skulearbeid i samråd med heimkommunen. Alle tilsette får barnefagleg rettleiing og har kunnskap og innsikt i korleis vald i familien påverkar barna. Barn har si eiga oppleving av situasjonen, og skal også få høve til å snakke om dette og få svar på spørsmåla sine. Dei tilsette har stort fokus på å trygge barna og syte for at dei blir sett, høyrte og teke vare på.

Aktivitetar på Krisesenteret

Leik og aktivitet er viktig for barn i forhold til å meistre og bearbeide vanskelege opplevingar. Vi fokuserer på positive kvardagsaktivitetar på krisesenteret, men og aktivitet utanfor senteret. Dette skaper hyggelege minner og positive erfaringar. I 2022 har vi hatt mange fine aktivitetar for både små og store. Vi samarbeider med aktørar som fokuserer på fritidsaktivitetar som mellom anna Frivillighetssentralen i Kinn, handballgruppa og fotballgruppa i Florø.

Krisesenteret har motteke midlar frå Gjensidigestiftinga til både sommar og juleaksjonen i 2022. Vi har og motteke gåver frå privatpersonar, lag og organisasjonar. Dette har bidrege til at vi har kjøpt inn utstyr og gåver, for å legge betre til rette for positive og hyggelege tiltak for barn og unge. Vi har gått på kino, teater, hatt juleverkstad, badeturar, hyggelege bursdagsfeiringar, julefeiring, bingo, formingsaktivitet, filmkveldar og turar i nærområdet. Årskort i symjehallen og på treningscenter kan alle bebuarar nytte gratis.

Retts hjelpstilbod

Gjennom Statens Sivilrettsforvaltning fekk Krisesenteret i Sogn og Fjordane kr 200.000 i tilskot til retts hjelpstiltak. Senteret nyttar faste advokatar som gjev gratis juridisk rettleiing og rådgjeving.

I 2022 fekk 25 personar advokatbistand gjennom denne ordninga. Mange hadde ikkje hadde hatt moglegheit til å bruke advokat utan dette tilbodet. Sakene handlar i all hovudsak om barnefordeling, buoppgjjer, opphald i Norge, valds offererstatning og strafferett.

2. Overgangsbustader

Overgangsbustadane for vanskelegstilte på bustadmarknaden var klare for innflytting hausten 2019. Bustadane er stiftinga Kriesesenteret i Sogn og Fjordane sitt prosjekt, og er ikkje del av kriesesenteret sin leveranse til kommunane. Bygget vert finansiert av lån gjennom Husbanken og skal betalast med husleigeinntekter. Bygget skal vere sjølvfinansierande, og eit eventuelt overskot skal, i tråd med Stiftingslova, gå til stiftinga sitt føremål.

Satsinga på overgangsbustadar er i samsvar med nasjonale føringar for bustadsosialt arbeid (Alle trenger et trygt hjem, Nasjonal strategi for den sosiale boligpolitikken (2021-2024)). Føremålet med overgangsbustadane er å gje brukarar som har behov for ettervern og oppfølging over lengre tid ein nærleik til kriesesenteret. Det er totalt 9 bustadar, 4 med 1 soverom, og 5 med 2 soverom. Bebruarane er alle i målgruppa og erfaring har vist at mange av dei har stor nytte av nærleik til kriesesenteret. Fleire av bebruarane har i perioden flytta vidare til andre bustadar. Dette er i tråd med føremålet der ein ynskjer å gi brukarar med behov for det, ein ekstra tryggleik i ein overgangsperiode.



3. Lokalitetar og tryggingstiltak

Krisesenteret har universell utforming og er eit funksjonelt bygg både for bebuarar og personalet. Huset har 7 rom med totalt 18 sengeplassar. Krisesenteret sitt tilbod til menn er lokalisert i leilegheit med eigen inngang.

Krisesenteret har god fysisk sikring med tryggleikstiltak som:

- Videoovervaking rundt heile huset, ved porten og inngangsdøra
- Tilkomstkontroll for både gåande og køyrande ved porten
- Inngjerding rundt heile eigedommen som skjermar mot innsyn frå gateplan og naboar
- Oversiktleg, men skjerma uteområde for barn
- Rørslesensorar
- Tryggleiksalarm
- Brannvarslingsssystem
- Skallsikring

Det er utarbeidd interne rutinar og prosedyrer i høve tryggleik, med sjekk-lister for jamleg kontroll av dører, låser, vindauge, elektriske apparat og brannvarslingsutstyr. Alle tilsette får opplæring i tryggleiksrutinar.



4. Nøkkeltal for 2022


Bebuarar

I perioden 2011 t.o.m. 2022 har vi til saman hatt 1 126 bebuarar på Kriresenteret i til saman 39 086 døgn. 565 kvinner, 32 menn og 529 barn.

- 84 personar hadde opphald på kriresenteret i 2022.
- Av dei 33 kvinner, 50 barn og 1 mann.
- Dei budde på senteret i til saman 3 966 døgn.
- 68% av bebuarane hadde sitt første opphald på eit kriresenter.
- 59 % av bebuarane og 50% av voldsutøverane i 2022 var opphavsleg frå andre land enn Norge.
- 12 % av bebuarane som hadde opphald på senteret var ikkje knytt til ein av samarbeidskommunane.
- Om lag 73 % av brukarane i 2022 kom til kriresenteret gjennom det offentlege hjelpeapparatet.
- Alder frå 19 til 57 år for vaksne og barn frå 0 til 18 år.
- 73 % av forholda vart anmeldt.
- 20,7 % er ilagt kontakt og besøksforbud.

Utvikling	2017	2018	2019	2020	2021	2022
Bebuarar kvinner	42	37	44	48	30	33
Bebuarar menn	4	3	3	2	3	1
Bebuarar barn	37	24	41	43	42	50
Bebuarar totalt	83	64	88	93	75	84
Tal døgn	2 895	3 361	3 812	1 991	1 568	3 966
Dagsbesøk/ einesamtale på telefon	259	377	471	918	697	519

BEBUARAR



Gjennomsnitt overnattingsdøgn i 2022

Kvinner: 44 døgn



Menn: 8 døgn

Barn: 50 døgn

Dagbesøk fra 2011 til og med 2022

Kvinner 4 972

Menn 208



5. Organisasjon

Styret for Stiftinga har representantar med brei og solid kompetanse og har eit sterkt engasjement for organisasjonen og krisesenteret sitt arbeid. Styremedlemmar vert vald for 2 år om gongen. Leiar og nestleiar vert vald av styret for 1 år om gongen. Styret hadde åtte møter i 2022.

Styreleiar	Siv Førde	Florø	Førstelektor i helsefag ved HVL
Nestleiar	Emma Bjørnsen	Florø	Sosiolog
Styremedlem	Synne Catrin Øren	Høyanger	Advokat
Styremedlem	Vibeke Johnsen	Sogndal	Avdelingsdirektør NAV, Krisesenterrørsla
Styremedlem	Kristin Orre	Florø	Tilsettrepresentant
Første varamedlem	Ann Kristin Førde	Florø	Helsesjukepleiar
Andre varamedlem	Morgan Stavøstrand	Florø	Tilsett på asylmottaket i Florø
Vara for tilsett repr.	Mona S. Sundal	Florø	Barnevernspedagog

Krisesentersekretariatet

Krisesenteret i Sogn og fjordane er medlem i Krisesentersekretariatet. I 2022 hadde Krisesentersekretariatet 22 medlemssenter og arbeider samfunns-politisk og fagleg i høve menneske som er utsett for vald i nære relasjonar. Sekretariatet er eit bindeledd mellom krisesentera og offentleg mynde, politiske organ, kvinneorganisasjonar, forskingsmiljø, studentar og samfunnet elles. Krisesentersekretariatet har oppretta etisk råd som bidreg til å sikre høg etisk bevisstheit blant medlemmane i organisasjonen.

Samarbeidsutvalet

For at kommunane skal ha fortløpande kunnskap om korleis senteret oppfyller krava til krisesenterlova vart det i 2012 oppretta eit samarbeidsutval med representantar frå Nordfjord, Sogn, Sunnfjord og vertskommunen Kinn. Utvalet har to møter årleg.

Samarbeidsutvalet hadde fylgjande medlemmar i 2022:

Norunn Stavø, Kinn Kommune
Kurt Even Andersen, Sunnfjord Kommune
Gunn Lærøy, Lærdal Kommune
Randi Ytrehus, Bremanger Kommune
Kjersti Valvik, Kristine Larsdotter Vaagen, Hafs

Ragnhild Holm, Kinn Kommune, er sekretær for utvalet. Dagleg leiar på krisesenteret har møte og uttalerett i samarbeidsutvalet, og har rapportert og informert om drifta på senteret etter avtale med vertskommunen.

Tilsette

I 2022 hadde Kriesesenteret i Sogn og Fjordane 9,7 årsverk fordelt på 11 tilsette. Alle tilsette med unntak av dagleg leiar, fagansvarleg og barnefagleg ansvarleg har 3 delt turnus. Kriesesenteret har overeinskomst med Fagforbundet og Utdanningsforbundet. I 2022 hadde Kriesesenteret hadde 3,5 % legemeldt sjukefråvær.

Dei tilsette skal ha kompetanse til å ta vare på dei særskilte behova til brukarane, jfr. Kriesesenterlova §2 Krav til kriesesentertilbodet. Dei tilsette på senteret har lang erfaring og brei relevant real-og formalkompetanse. Dei har fagleg kompetanse, og innsikt i, valdsutsette sin livssituasjon, deira emosjonelle, psykiske, fysiske og sosiale reaksjonar og behov. Opplæring som vert gitt er obligatorisk.

Personalgruppa er tverrfagleg samansett av:

- Barnevernspedagog
- Sjukepleiarar
- Sosionomar
- Førskulelærarar
- Barne og ungdomsarbeidar
- Utviklingspsykologi hos barn og unge og sosial kompetansetrening
- Kriesesenterutdanninga i regi av RVTS

Fleire tilsette har videreutdanningar, mellom anna:

- Administrasjon og leiing
- Valdsofferarbeid
- Psykososialt arbeid med barn og unge
- Sosiologi
- Psykisk helsearbeid
- Seksuelt misbruk
- ICDP-utdanning (International Child Development Programme)
- COS-p

Ordningar for tilsette

- Bedriftshelseteneste (Bedriftshelse 1)
- Pensjonsordning i KLP
- Yrkesskadeforsikring
- Personalmøte 2 timar kvar 3. veke
- Fagleg utvikling, kurs og konferansar
- Tilbod om ekstern, individuell rettleiing ved behov
- Rettleiing i gruppe månadleg
- Medarbeidarsamtale årleg
- 1 personalseminar årleg, over 2 dagar
- Det er utarbeidd stillingsinstruksar for alle stillingar

Tieiplikt, plikt til å avverge og opplysningsplikt

Alle tilsette på Kriesesenteret har tieiplikt og avverjeplikt. Alle som tek kontakt på telefon har rett til å vere anonyme om dei ynskjer det. Personvernet for brukarane på kriesesenteret er avgjerande med tanke på behovet for vern. Kriesesenteret sine tilsette har likevel meldeplikt etter lov om barnevern §6-4, 4. ledd. Som tenesteytar og offentleg tilsett har ein plikt til å hindre at vald og overgrep skjer. Alle har i fylgje straffeloven, plikt til å avverje, det vil sei, hindre, at alvorlege straffbare handlingar skjer.

Fagutvikling

Kriesesenteret har som mål å sikre profesjonalitet og optimal utnytting av disponible ressursar, og legge til rette for fagleg utvikling. Dei tilsette skal ha jamleg rettleiing for å kunne handtere dei spesielle utfordringane som arbeidet på kriesesenteret gir. God kvalitet på tenestene krev god kunnskap om dei ulike målgruppene og kva som trengs for å ivareta deira spesielle behov. Med aukande kompetansekrav og skiftande samfunnstilhøve skal senteret sine tilsette halde seg oppdaterte.

Prosjekt

I 2022 har krisesenteret fått tilskot i forhold til spesielle rettshjelpstiltak.

Krisesenteret har og motteke midlar til aktivitet og utstyr for barn og unge, i samband med Gjensidigestiftinga sin sommar og juleaksjon.

Kurs/utdanning i 2022

Tilsette på krisesenteret har delteke på ulike konferansar og arenaer.

- Den årlige nasjonale Krisesenterkonferansen i regi av RVTS med tema ivaretagelse av voldsutsatte-fra struktur til handling.
- Vertskommune Kinn sin temadag om vald i nære relasjonar.
- Krisesentersekretariatet sin samling konvensjonar i praksis, eit felles grunnlag for krisesentertilbodet.
- Opstart sertifisering i ICDP for nyttilsett i regi av Bufetat.
- Rettleiing for personalgruppa.
- 2 dagars personalseminar som vi i år la til Førde og småbarnsdagane.
- Rosa konferansen som omhandler bistand til menneske utsett for menneskehandel.

Helse, Miljø og Tryggleik

Krisesenteret har internkontroll i samsvar med lover og forskrifter. Utøving av internkontroll vert gjort i samarbeid med arbeidstakarane, verneombod og tillitsvald. Internkontrollen vert overvaka og gjennomgått jamleg for å sikre at den fungerer i samsvar med målsettinga. Krisesenteret har etablert internkontroll i samsvar med Personopplysningslova § 14. Internkontroll / HMS-arbeidet ved krisesenteret er i samsvar med lover og forskrifter som gjeld for verksemda. Verksemda har systematisk HMS-arbeid med HMS-aktivitetar og system for avviksregistrering.

Krisesenteret tilfredsstillar alle krav når det gjeld bygnings- og utstyrmessige tilhøve, inneklima, lystilhøve, støy og liknande, ut frå arbeidstakarane si helse, miljø, tryggleik og velferd. (§4-4 i Arbeidsmiljølova).

I samsvar med ny personvernlovgiving har Krisesenteret utarbeidd personopplysingserklæring. Denne handlar om korleis vi handsamar personopplysingar på senteret. Erklæringa er publisert på heimesida vår:

www.krisesenteret.sf.no

Krisesenteret si heimeside www.krisesenteret.sf.no gir informasjon om tilbodet. Brosjyrar vert sendt ut til alle kommunar og lagt ut på offentlege stader, venterom og liknande. Krisesenteret har også ei facebookside med informasjon om vald i nære relasjonar, krisesentertilbodet, og om relevante politiske saker. Vi held innlegg for organisasjonar, ulike hjelpeinstansar, politiske møte, skular, med fleire, med informasjon om kva konsekvensar vald kan få både for vaksne og barn, samt dei samfunnsmessige konsekvensane.

Det er vesentleg å ha eit godt samarbeid med andre instansar, og vi har i 2022 hatt jamlege møte eller telefondialog med asylmottaket, NAV, politi, barnevern, familievernkantor, helsestasjon, psykiatrienesta, KURS, UDI, advokatar, barnehuset, helse og omsorgstenesta, skular, barnehagar, overgrepsmottak, sjukehus, Stine Sofie Stiftinga og NOK. I 2022 hadde 2 sjukepleiarstudentar praksisplass på krisesenteret i 12 veker.

6. Drift og økonomi

Finansiering

Statstilskotet til krisesenterdrift vert innlemma i rammetilskotet til kommunane. **Krisesenteret sitt budsjett i 2022 var på kr. 9 965 784,-.** Summen vart delt på alle samarbeidskommunane etter ein finansieringsmodell basert på demografi og folketal.

Rekneskap og revisjon

Rekneskapsfirmaet Solvens AS fører rekneskapet for Stiftinga og Kommune-revisjonen i Ytre Sogn og Sunnfjord har revisjonen.

Gåver

Krisesenteret i Sogn og Fjordane fekk i 2022 pengegåver frå lag og organisasjonar, bedrifter og privatpersonar på til saman **kr. 230 138,-.** Pengane vert brukte til innkjøp av gåver leikar og utstyr og aktivitetar. I tillegg har vi motteke gåver i form av leikar, utstyr, bøker, møblar, julegodt, julegåver og toalettmapper.

Vi vil rette ei stor takk til alle som gitt gåver til senteret. Det har vore til stor glede og nytte for både barn og vaksne. Folk i Sogn og Fjordane har i alle år vist eit fantastisk engasjement og givarglede for krisesenteret og brukarane. Omtanke, støtte og solidaritet frå medmenneske betyr mykje når ein er i ein vanskeleg livssituasjon.



7. Rekneskap og revisjonsmelding 2022

Verksemda

Stiftinga Krisesenteret i Sogn og Fjordane har som føremål å bistå menneske som har vore utsette for vald i nære relasjonar, drive haldningsskapande arbeid ved å synleggjere og skape debatt om den private valden. Stiftinga er ein politisk og religiøs nøytral organisasjon, lokalisert i Kinn kommune.

Organisering

Krisesenteret i Sogn og Fjordane er organisert i eit interkommunalt samarbeid etter ein administrativ vertskommunemodell (Kommunelova 28 a) der Kinn Kommune er vertskommune. 17 kommunar i tidlegare Sogn og Fjordane har delteke i samarbeidet.

Finansiering

Samarbeidskommunane i Sogn og Fjordane finansierer drifta av Krisesenteret. Statstilskotet til krisesenterdrift går inn i ramme- tilskotet til kommunane. Kommunetilskotet for 2022 var på **kr. 9 965 784,-**.

Driftsinntektene for 2022 vart såleis på **kr. 9 965 784,-** mot **kr. 9 736 032,-** for året 2021. Grunnlaget for budsjettauken frå år 2021 til 2022 er prisstigning.

Krisesenteret fekk i 2022 fylgjande prosjekttilskot:

- Frå Statens Sivilrettsforvaltning fekk vi kr. 200 000,- i rettshjelpstilskot

Statistikk

I 2022 har det vore til saman 84 bebuarar på Krisesenteret, 33 kvinner, 50 barn og 1 mann. Krisesenteret hadde også 519 dagbesøk og einesamtaler på telefon, av menneske som trengde hjelp, men som ikkje hadde behov for butilbodet.

Lokale

Krisesenterhuset som vart bygd i 2011, har 20 sengeplassar for kvinner og barn. Butilbodet for menn er lokalisert i eit anna bygg, fordi tilbodet til menn ikkje skal være samlokalisert med tilbodet til kvinner. (Jfr. Krisesenterlova 2010)

Overgangsbustader

Eit bygg med 9 overgangsleilegheiter vart ferdig stilt i august 2019. Desse leilegheitene kan leigast av vanskelegstilte i krisesenteret si målgruppe. Drifta av dette bygget er utanfor stiftinga si leveranse til kommunane. Husleigeinntekter skal dekke kostnadane. Eit eventuelt overskot av utleiebygget skal gå til stiftinga sitt føremål.

Vidare drift

Styret meiner at den framlagde rekneskapen gir eit rettvise bilette av Stiftinga si verksemd og at det er riktig å legge føresetnader for vidare drift av Krisesenteret til grunn ved framlegging av årsrekneskapen. Krisesentertilbodet er organisert som eit interkommunalt samarbeid etter ein administrativ vertskommunemodell. Kinn kommune kjøper dei kommunalt lovpålagde krisesentertenesene frå Stiftinga Krisesenteret i Sogn og Fjordane. Dei andre kommunane i fylket kjøper tenestene frå Kinn Kommune. Stiftinga har ei kontrakt med vertskommunen som gjeld så lenge ingen av partane seier den opp. Det er ei gjensidig oppseiingsfrist på 1 år. Drifta frå år til år har vore på same nivå, med deflatorauke.

Arbeidsmiljø

Ut frå undersøkelser i forhold til arbeidsmiljø så ser styret arbeidsmiljøet som godt. Tilsette i verksemda har ikkje vore utsette for skader eller ulykker i samband med arbeidet. Sjukefråveret har vore på 3,5 % i 2022.

Ytre miljø

Verksemnda forureinar ikkje det ytre miljøet.

Andre tilhøve

Styret kjenner ikkje til forhold som er viktige for å vurdere Stiftinga si stilling og resultat som ikkje kjem fram av rekneskapen og balansen med notar. Det er heller ikkje på slutten av rekneskapsåret skjedd forhold som etter styret sitt syn er viktig for vurdering av rekneskapen

Rekneskapsresultat

Resultat driftsåret 2022:	
Driftstilskudd	Kr 9 965 784
Anna driftsinntekt	Kr 1 316 650
Sum driftsinntekt	Kr 11 282 434
Driftskostnader	Kr 9 997 828
Driftsresultat	Kr 1 284 606
Anna renteinntekt	Kr 8 779
Anna rentekostnad	Kr 579 965
Resultat av finanspostar	Kr -571 186
ÅRSRESULTAT	Kr 713 420

Styret ser seg nøgd med drifta for 2022 og at årsresultatet er i balanse.

Florø, 20. juni, 2023

Siv Førde
Styreleiar

Emma Bjørnsen
Nestleiar

Anja Korneliussen
Dagleg leiar

Ninja Tolo Ness
Styremedlem

Synne Catrin Øren
Styremedlem

Kristin Orre
Styremedlem (tilsettere representant)

8 Dagleg leiar sine betraktningar for 2022 og vegen vidare

I 2022 har krisesenteret hatt meir enn ei dobling av tal overnattingsdøgn frå 2021. Vi har opplevd at huset lenge har vore nesten fullt, og vore opptekne av å ruste oss for å ta i mot fleire menneske med behov for bistand. Vi har klart å gi alle som har kontakta oss eit tilbod, og det er vi glade for at vi har fått til. Vi ser at valden er kompleks, omfattande, og grov, og at mange har behov for bistand over tid for å klare å etablere seg på ny i anna bustad og i eit liv utanfor valden.

NKVTS sin rapport, som er eit resultat av omfangsundersøkelse om vold og overgrep 2021, (NKVTS, omfang av vold og overgrep i den norske befolkningen, rapport nr 1. 2023) viser nedslåande resultat for oss som jobbar mot vald i nære relasjonar. Rapporten tyder på at omfanget av valdtekt og alvorleg fysisk vald både i og utanfor parforholdet har økt i Norge det siste tiåret, og at auka i nære relasjonar i størst grad har ramma kvinner. Dette samsvarer med vår oppleving om at vald i nære relasjonar rammer både menn og kvinner, men kvinner oftare er utsett for den mest alvorlege og gjentakande valden. Det er i fylgje rapporten særleg auke av unge kvinner under 29 år som vert utsett for alvorleg fysisk partnervald. Rapporten viser dobling i tal unge kvinner som fortel at dei har blitt voldtatt. Videre vert det vist til at majoriteten ikkje oppsøker politi eller helsevesen etter alvorleg fysisk vald eller valdtekt og at valdsutsette har mindre tillit til politi, rettsvesen og helsevesen. Kjønnforskjellane som vert avdekka i studien, støttar at vald mot kvinner framleis er eit likestillingsproblem. Resultat kan tyde på at ikkje alle tiltak og handlingsplanar på området, har hatt ønskt verknad.

Vold i nære relasjonar er framleis eit alvorleg samfunnsproblem i Norge. Krisesentera har særskilt kompetanse på dette og spelar ei sentral rolle i arbeidet, og vi skal halde fram med vår viktige jobb. Samstundes er det behov for at vi alle jobbar saman mot vald i nære relasjonar for å unngå at denne negative trenden skal fortsette. Som [NKVTS sin rapport påpeikar](#) må førebygging skje på fleire nivå, og valdsutsette må få tilstrekkeleg hjelp og støtte i etterkant.

Målet må være at alle menneske skal ha eit liv utan vald, og rett til å leve eit fritt og godt liv.

9. Krisesentertilbodet sitt formål

Formålet til Stiftinga Krisesenteret i Sogn og Fjordane er å hjelpe menneske som er utsett for psykisk og fysisk vald samt drive haldningsskapande arbeid og informere om vald i nære relasjonar. Stiftinga har eit humanitært føremål der eit eventuelt driftsoverskot skal gå til føremålet. Krisesenteret i Sogn og Fjordane er medlem av Krisesentersekretariatet, og arbeider ut i frå felles verdigrunnlag og plattform.

Etter «Lov om kommunale krisesentertilbod» skal kommunane sikre eit godt og heilskapleg krisesentertilbod til kvinner, menn og barn som er utsette for vald eller truslar om vald i nære relasjonar. Tilbodet skal vere gratis og døgnoppe og innehalde både telefonteneste, bu og dagtilbod. Krisesentera skal samarbeide med andre instansar for at valdsutsette skal få naudsynt hjelp til eit liv utan vald, mellom anna med oppfølging i re-etableringsfasa ved behov. Krisesenteret er eit lågterskeltilbod utan krav om timebestilling eller tilvising. Dei som kjem til senteret skal møtast med respekt, likeverd og forståing. Dei tilsette skal gi råd, rettleiing og hjelp til sjølvhjelp på den valdsutsette sine premissar.

Ideologien og verdigrunnlaget er i tråd med internasjonale konvensjonar og handlingsplanar for menneskerettar. Kommunane er pliktige til å syte for at særskilt sårbare grupper også får eit tilrettelagd krisesentertilbod.

Krisesenteret frå oppstart til dagens organisering

Krisesenteret i Sogn og Fjordane vart opna av Krisesenterrørsla i 1985. I 2002 vart Krisesenteret organisert til ei stifting. Krisesentertilbodet vart lovfesta i 2010 gjennom Lov om kommunale krisesentertilbod. Kommunane vart ansvarleg for tilbodet, og statstilskotet vart frå 2011 gitt som rammetilskot til kommunane, som vart pålagd å fullfinansiere krisesentertilbodet. Intensjonen med å lovfeste krisesentertilbodet var å sikre eit likeverdig og godt fungerande tilbod til alle valdsutsette i heile landet.

Krisesentera er i dag profesjonelle hjelpeinstansar der vern av valdsutsette er ein viktig del av tilbodet.

Tilbodet Krisesenteret i Sogn og Fjordane gir er i dag organisert som eit interkommunalt samarbeid etter ein administrativ vertskommunemodell (Kommunelova §28) Kinn kommune er vertskommune, og kjøper krisesentertenestene frå Stiftinga. Samarbeidskommunane kjøper tenestene frå Kinn Kommune. Driftstilskotet til Krisesenteret vert fordelt på kommunane etter folketal og demografi.

Vald i nære relasjonar

Vald i nære relasjonar handlar om å bli utsett for krenkingar, truslar, kontroll og fysisk vald frå nokon ein har ein nær relasjon til. Dette kan være ektefelle, sambuar, kjæraste, søsken, foreldre, vaksne barn eller andre ein har tillit til eller er glad i.

- **Fysisk vald** er handlingar som skader deg eller kontrollerer deg, som spark, slag, lugging, biting, kloring, fasthalding, risting, skubbing og kvelartak. Innesperring og isolasjon er også former for fysisk vald.
- **Psykisk vald** er bruk av ord og stemme som truer, skader, krenker eller kontrollerer deg. Å nedvurdere, være likegyldig og å ydmyke andre er og eksempel på psykisk vald.
- **Materiell vald** kan være knusing, øydelegging og kasting av gjenstandar, slag i veggjar og dører og liknande. Dersom dette utøvast av ein person som tidlegare har utøvd fysisk vald er dette svært kontrollerande og skremmande handlingar.

- **Seksuell vald** er alle former for seksuelle krenkingar som kjennast audmjukande og kontrollerande og tvinger deg til å gjære seksuelle handlingar du ikkje ynskjer sjølv. Handlingar som berøring, beføling, slikking, suging, masturbasjon, samleieliknande handlingar, samleie og valdtekt, seksualisert tilsnakk, blotting, fotografering, filming, framvisning av pornografi.
- **Økonomisk vald** er når den eine parten vert nekta å ha kontroll over eigen eller felles økonomi, valdsutøvar kan nekte deg å ha eige minibankkort, ta opp lån i ditt namn og liknande.
- **Latent vald** «ligg i lufta», ein spesiell stemning før eller etter ein valdsepisode. Det kan være redsel og beredskap ein har for nye valdsepisodar.
- **Oppdragarvald** er fysisk og psykisk straff som ein del av oppdragelsen for å endre åtferda til barn og unge.
- **Digital vald** er trusler og trakassering via meldinger, overvåkning og kontroll gjennom sosiale media eller mobiltelefon, stygge meldinger posta på nett, trusler, trakassering og seksuelle overgrep som følgje av kontakt etablert på nett.
- **Strukturell vald** er ein form for vald der sosiale strukturer eller sosiale institusjonar skader menneske gjennom å forhindre at deira grunnleggande behov vert møtt.
- **Negativ sosial kontroll** fråtek eller avgrensar ein person sin grunnleggande rett til å bestemme over eige liv og framtid i samsvar med alder og modenhet.



Vedlegg

VEDTEKTER FOR STIFTINGA KRISESENTERET I SOGN OG FJORDANE

§1. Namn

Stiftinga sitt namn er Stiftinga Kriresenteret i Sogn og Fjordane.

§2. Grunnleggar

Grunnleggar av stiftinga er Kriresenterørsla i Sogn og Fjordane.

§3. Føremål

Stiftinga Kriresenteret i Sogn og Fjordane har som føremål:

- Hjelpe menneske som har vore utsette for psykisk og fysisk mishandling.
- Drive haldningsskapande arbeid ved å synleggjere og skape debatt om den private valden.

Kriresenteret er ein politisk og religiøs nøytral organisasjon. Tilbodet skal vere eit lågterskeltilbod som er ope heile døgnet, og dei som tek kontakt skal vere sikra anonymitet. Tilsette på senteret er medmenneske som gir valdsutsette omsorg og tryggleik. Kriresenteret er ikkje eit behandlingstilbod.

Stiftinga Kriresenteret i Sogn og Fjordane har slutta seg til Kriresenterørsla og plattformen for denne, vedteken på Landskonferansen i Tromsø i 1982.

Kriresenteret representerer eit tilbod der den valdsutsette sjølv deltek aktivt i arbeidet saman med tilsette.

Kriresenteret sitt tilbod:

- Tryggleik, vern og hjelp av medmenneske som har tid til å lytte.
- Ein stad der ein får tid til å tenke over problema og få ting på avstand.
- Samtalar og informasjon om tilbod innanfor det offentlege og private hjelpeapparatet, og hjelp til å ta kontakt med desse.
- Mellombels butilbod i ein krisesituasjon.

- Ivareta barna som kjem til senteret.
- Oppfølging av dagbrukarar.
- Oppfølging i reetableringsfasa.
- Telefonvakt /råd/retteleiing på telefon.

§4. Grunnkapital

Stiftinga sin grunnkapital er verdi av eigedom, kr. 1 800 000.- og innbetalt kapital på konto til stiftinga kr. 200 000.- til saman kr. 2 000 000.-

§5. Drift

Stiftinga sitt overskot skal brukast i samsvar med føremålet for stiftinga jf. §3. Styret skal kontrollere den økonomiske drifta, for å unngå underskot.

Stiftinga svarar for sitt økonomiske ansvar og formue.

§6. Styre

Stiftinga skal leiast av eit styre på minimum 5, maksimum 7 medlemmar. Styret skal bestå av representantar frå ulike sektorar i samfunnet. Kriresenterørsla i Sogn og Fjordane har rett til å vere representerte med 1 styremedlem når styret har 5 medlemmar, og 2 medlemmar når styret har 7 medlemmar. Det skal veljast 2 varamedlemmer der den eine er frå Kriresenterørsla.

Medlemmene i styret vert valde for to år av gongen. Styret vel sjølv leiar, nestleiar og eventuelt medlemmar til andre verv. Leiar og nestleiar vert valde for 1 år om gongen og kan attveljast.

Styret oppnemner ei valnemnd, ref. §7, 2, som fremjar forslag til nye styremedlemmar.

Styret sender skriftleg melding til valnemnda seinast 2 månader før det endelege valet.

Styret gjer det endelege valet innan mars etter framlegg frå valnemnda

For å sikre kontinuitet vel ein på ein slik måte at ikkje meir enn halve styret vert skifta ut om gongen.

§7. Valnemnd

Valnemnda som styret oppnemner skal bestå av 3 personar. Krisesenterrørsla har rett til å vere representert med eit medlem. Valnemnda vert vald for 1 år om gongen.

§8. Styremøte

Leiar for styret kallar inn til styremøte og leier møta. Det vert innkalla til styremøte når dagleg drift tilseier det, eller når minst ein tredjedel av medlemmane ber om det. Styret er vedtaksført når meir enn halvparten av medlemmane er til stades.

Det vert ført protokoll frå styremøta og medlemmane skriv under protokollen. Vedtak i styret vert fatta ved alminneleg fleirtal. Ved lik røyst har leiar i styret dobbelrøyst.

Innkalling og referat skal sendast styret og vararepresentantar.

§9. Dagleg leiar

Stiftinga Krisesenteret i Sogn og Fjordane skal ha ein dagleg leiar som er tilsett av styret. Dagleg leiar står for den daglege leiinga av stiftinga si verksemd, og skal følgje dei retningslinjer og pålegg som vert gitt av styret. Den daglege leiinga omfattar ikkje saker som er av uvanleg art eller er viktige for stiftinga.

Dagleg leiar skal syte for at stiftinga sine rekneskap er i samsvar med lov og forskrifter og at formueforvaltninga er ordna på ein forsvarleg måte.

§10. Omdanningskompetanse

Styret har kompetanse til å endre vedtekter og til å vedta oppheving. Vedtak om endring av vedtekter, oppløysing og andre vesentlege endringar krev 2/3 fleirtal. Slike vedtak kan berre fattast dersom 2/3 av styremedlemmane er til stades. Oppløysing av stiftinga krev 2/3 fleirtal i to påfølgjande styremøte.

Vedtak i Styret skal godkjennast av Stiftingstilsynet. Elles vert det vist til gjeldande stiftingslov.



Resultatregnskap

– stiftinga Krisesenteret i Sogn og Fjordane

Driftsinntekter og driftskostnader	Note	2022	2021
Driftstilskudd		9 965 784	9 736 032
Annen driftsinntekt	1	1 316 650	1 157 149
Sum driftsinntekter		11 282 434	10 893 181

Lønnskostnad	2	7 244 196	6 832 103
Avskrivning av driftsmidler og immaterielle eiendeler	3	625 300	625 384
Annen driftskostnad	2, 3	2 128 332	1 846 314
Sum driftskostnader		9 997 828	9 303 801

DRIFTSRESULTAT		1 284 606	1 589 380
-----------------------	--	------------------	------------------

Finansinntekter og finanskostnader			
Annen renteinntekt		8 779	1 949
Annen rentekostnad		579 965	322 103
Annen finanskostnad		0	0
Resultat av finansposter		-571 186	-320 154

Resultat		713 420	1 269 225
ÅRSRESULTAT		713 420	1 269 225

Overføringer			
Avsatt til annen egenkapital		713 420	1 269 225
Sum overføringer		713 420	1 269 225

Balanse

– stiftinga Kriesesenteret i Sogn og Fjordane

Eiendeler • Anleggsmidler • Varige driftsmidler	Note	2022	2021
Tomter, bygninger o.a. fast eiendom	3, 4	35 165 991	35 626 991
Driftsløsøre, inventar o.a. utstyr	3, 4	328 700	493 000
Sum varige driftsmidler		35 494 691	36 119 991

Sum anleggsmidler		35 494 961	36 119 991
--------------------------	--	-------------------	-------------------

Omløpsmidler

Fordringer			
Kundefordringer		13 505	0
Andre kortsiktige fordringer		30 748	10 507
Sum fordringer		44 253	10 507
Bankinskudd, kontanter o.l.		3 062 894	2 548 448
Sum omløpsmidler		3 107 146	2 558 955

Sum eiendeler		38 601 837	38 678 946
----------------------	--	-------------------	-------------------

Florø, 20. juni, 2023

Styret i stiftinga Kriesesenteret i Sogn og Fjordane

Siv Førde
Styreleiar

Emma Bjørnsen
Nestleiar

Anja Korneliussen
Dagleg leiar

Ninja Tolo Ness
Styremedlem

Synne Catrin Øren
Styremedlem

Kristin Orre
Styremedlem (tilsettere representant)

Egenkapital og gjeld • Innskutt egenkapital	Note	2022	2021
Grunnkapital		1 800 000	1 800 000
Sum innskutt egenkapital		1 800 000	1 800 000

Opptjent egenkapital

Annen egenkapital	3	5 016 382	4 302 962
Sum opptjent egenkapital		5 016 382	4 302 962
Sum egenkapital		6 816 382	6 102 962

Gjeld • Annen langsiktig gjeld

Gjeld til kredittinstitusjoner	3, 4, 5	29 731 114	30 844 743
Sum annen langsiktig gjeld	5	29 731 114	30 844 743

Kortsiktig gjeld

Leverandørgjeld		224 576	114 075
Skattetrekk og andre trekk		419 056	386 869
Annen kortsiktig gjeld		1 410 709	1 230 297
Sum kortsiktig gjeld		2 054 341	1 731 240

Sum gjeld		31 785 455	32 575 983
------------------	--	-------------------	-------------------

Sum egenkapital og gjeld		38 601 837	38 678 946
---------------------------------	--	-------------------	-------------------

Noter til årsregnskapet 2022

Regnskapsprinsipper

Årsregnskapet er satt opp i samsvar med regnskapsloven. Det er utarbeidet etter norske regnskapsstandarder.

Driftsinntekter og kostnader

Inntektsføring skjer etter opptjeningsprinsippet som normalt vil være leveringstidspunktet for varer og tjenester. Kostnader medtas etter sammenstillingsprinsippet, dvs. at kostnader medtas i samme periode som tilhørende inntekter inntektsføres.

Hovedregel for vurdering og klassifisering av eiendeler og gjeld

Eiendeler bestemt til varig eie eller bruk er klassifisert som anleggsmidler. Andre eiendeler er klassifisert som omløpsmidler. Fordringer som skal tilbakebetales innen et år er uansett klassifisert som omløpsmidler. Ved klassifisering av kortsiktig og langsiktig gjeld er analoge kriterier lagt til grunn.

Anleggsmidler omfatter eiendeler bestemt til varig eie og bruk. Anleggsmidler er vurdert til anskaffelseskost. Varige driftsmidler balanseføres og avskrives over driftsmidlets økonomiske levetid. Det blir foretatt kontinuerlig vedlikehold av eiendommene.

Langsiktig gjeld balanseføres til nominelt mottatt beløp på etableringstidspunktet. Omløpsmidler vurderes til laveste av anskaffelseskost og virkelig verdi. Kortsiktig gjeld balanseføres til nominelt mottatt beløp på etableringstidspunktet.

Fordringer

Kundefordringer og andre fordringer oppføres til pålydende etter fradrag for avsetning til forventet tap. Avsetning til tap gjøres på grunnlag av en individuell vurdering av de enkelte fordringene.

Skatt

Stiftelsen er ikke skattepliktig.

Fortsatt drift

I samsvar med regnskapslovens §3 bekreftes det at forutsetningen om fortsatt drift er til stede og denne forutsetningen er lagt til grunn ved utarbeidelsen av regnskapet.

Note 1 – Offentlig tilskudd og andre ytelser

Stiftelsen har mottatt kr 100 000 i tilskudd for spesifikke tiltak/grupper ved senteret. I tillegg til dette så har Stiftelsen mottatt kr 200 000 i tilskuddsmidler for juridisk bistand fra Statens Sivilrettsforvaltning. Tilskuddet skal legges til rette for kostnadseffektive rettshjelpstilskudd rettet mot særlige grupper og mennesker i en spesielt vanskelig situasjon, som opplever at terskelen for å søke juridisk bistand er høy, og som har lav inntekt.

Tilskuddene er periodisert og resultatført mot prosjektenes kostnader.

Stiftelsen har også i 2022 mottatt gaver fra privatpersoner og organisasjoner for tilsammen kr 268.901,-. Gavene er periodisert og resultatført mot kostnader for tiltak rettet mot brukere og til ofte bestemte formål satt av givere. Kr 203.579,- av midlene er benyttet i driftsåret 2022.

Note 2 – Lønnskostnader, antall ansatte, godtgjørelser, lån til ansatte m.m.

Lønnskostnader	2022	2021
Lønninger	5 539 483	4 990 743
Arbeidsgiveravgift	676 677	638 609
Pensjonskostnader	777 824	958 562
Andre ytelser	250 212	244 189
Sum	7 244 196	6 832 103

Gjennomsnittlig antall årsverk: 12

Betalt pensjonspremie i KLP i år 2022 er kr 753 923,-. Stiftelsen har ikke pensjonsforpliktelser ut over kostnadsførte pensjonskostnader i regnskapet.

Revisor

Kostnadsført revisjonshonorar for 2022 utgjør kr 47 500,-

Note 3 – Anleggsmidler

	Bygninger	Driftsløsøre, inventar o.l.	Tomter
Anskaffelseskost pr. 01.01.22	14 772 764	1 018 040	341 991
= Anskaffelseskost 31.12.22	14 772 764	1 018 040	341 991
Akkumulerte avskrivninger 31.12.22	1 960 764	689 340	
= Bokført verdi 31.12.22	12 812 000	328 700	341 991
Årets ordinære avskrivninger	250 000	164 300	
Økonomisk levetid	40 år	5-6 år	

		Leilighetsbygg	Sum
Anskaffelseskost pr. 01.01.22		22 554 457	38 637 251
= Anskaffelseskost 31.12.22		22 554 457	38 687 251
Akkumulerte avskrivninger 31.12.22		542 457	3 192 560
= Bokført verdi 31.12.22		22 012 000	35 494 691
Årets ordinære avskrivninger		211 000	625 300
Økonomisk levetid		50 år	

Leilighetsbygget er anskaffelseskosten pr. 31.12.2019 for overgangsboliger for vanskeligstilte som er i målgruppa til stiftelsen. Prosjekteringsarbeidet startet i 2017 og bygging ble ferdigstilt i år 2019. Bygget er lånefinansiert gjennom Husbanken og Sparebanken Sogn og Fjordane.

Driftskostnadene for ferdigstilt bygg skal dekkes gjennom husleieinntekter. Overgangsboligene er stiftelsen sitt prosjekt. Driften av utleiebygget er utenfor stiftelsen Krisesenteret sin leveranse til kommunane. Det føres eget avdelingsregnskap for krisesenter leveransen til kommunen og ett for drift av utleiebygget. Eventuelle overskudd av utleiebygget skal gå til stiftelsen sitt formål.

Note 4 – Pantstillelser og garantier m.v.

Gjeld som er sikret ved pant o.l.	
Gjeld til kredittinstitusjoner	29 731 114
Sum	29 731 114
Balanseført verdi av eiendeler pantsatt for egen gjeld	35 494 691

Note 5 – Langsiktig gjeld

Gjeld som forfaller mer enn fem år etter regnskapsårets slutt	2022	2021
Gjeld til kredittinstitusjoner	24 680 000	29 731 000
Sum	24 680 000	29 731 000

VESTLAND REVISJON

Kommunalt Oppgåvefelleskap

Forretningsadresse: Førde, Sunnfjord Rådhus, Hafstadvegen 42, 6800 Førde
Postadresse: Postboks 487, 6803 Førde - Org.nr. 923 249 478 MVA
E-post: postmottak@vestrev.no

Bankkonto 3705 40 64838
Dagleg leiar **Asgeir Tveit**
Mobilnr. 908 74 388
E-post: asgeir.tveit@vestrev.no

Stiftinga Kriresenteret i Sogn og Fjordane

Diokkar ref.:	Vår ref.:	Arkivkode:	Journalnr.:	Dokumentdato:
			251/2023	15.6.2023

MELDING FRÅ REVISOR

Utsegn om årsrekneskapen

Konklusjon

Vi har revidert årsrekneskapen for stiftelsen som syner eit overskot på kr 713 420. Årsrekneskapen er samansett av balanse per 31. desember 2022, resultatrekneskap for rekneskapsåret avslutta per denne dato, notar til årsrekneskapen og eit samandrag av viktige rekneskapsprinsipp.

Etter vår meining:

- oppfyller årsrekneskapen gjeldande lovkrav, og
- gjev årsrekneskapen eit rettvisande bilete av selskapet si finansielle stilling per 31. desember 2022, og av resultatet for rekneskapsåret som vart avslutta per denne dato, i samsvar med rekneskapslova sine reglar og god rekneskapskikk i Noreg.

Grunnlag for konklusjonen

Vi har gjennomført revisjonen i samsvar med dei internasjonale revisjonsstandardane International Standards on Auditing (ISA-ane). Våre oppgåver og plikter etter desse standardane er beskrivne under overskrifta *Revisors oppgåver og plikter ved revisjon av årsrekneskapen*. Vi er uavhengige av selskapet slik det er krav om i lov, forskrift og International Code of Ethics for Professional Accountants (medrekna dei internasjonale sjølvstendestandardane) utferda av the International Ethics Standards Board for Accountants (IESBA-reglene), og har oppfylt dei andre etiske pliktene våre i samsvar med desse krava. Etter vår oppfatning er innhenta revisjonsbevis tilstrekkeleg og føremålstenleg som grunnlag for konklusjonen vår.

Leiinga sitt ansvar for årsrekneskapen

Leiinga er ansvarleg for å utarbeide årsrekneskapen og for at han gjev eit rettvisande bilete i samsvar med rekneskapslova sine reglar og god rekneskapskikk i Noreg. Leiinga er også ansvarleg for slik intern kontroll som ein finn naudsynt for å kunne utarbeide ein årsrekneskap som ikkje inneheld vesentleg feilinformasjon, verken som følgje av misleg framferd eller feil som ikkje er tilsikta.

Ved utarbeiding av årsrekneskapen må leiinga ta standpunkt til selskapet si evne til fortsatt drift og opplyse om forhold av betydning for fortsatt drift. Føresetnaden om fortsatt drift skal leggast til grunn for årsrekneskapen så lenge det ikkje er sannsynleg at verksemda vil bli avvikla.

Revisor sine oppgåver og plikter ved revisjonen av årsrekneskapen

Vårt mål er å oppnå tryggande sikkerheit for at årsrekneskapen totalt sett ikkje inneheld vesentleg feilinformasjon, verken som følgje av misleg framferd eller feil som ikkje er tilsikta, og å gi ei revisjonsmelding som inneheld konklusjonen vår. Tryggande sikkerheit er ei høg grad av sikkerheit, men ingen garanti for at ein revisjon utført i samsvar med ISA-ane, alltid vil avdekke vesentleg feilinformasjon som eksisterer. Feilinformasjon kan oppstå som følgje av misleg framferd eller feil som ikkje er tilsikta. Feilinformasjon blir vurdert som vesentleg dersom den åleine eller samla, innanfor rimeleg grenser, kan forventast å påverke økonomiske avgjerder som brukarane tar, basert på årsrekneskapen.

Som del av ein revisjon i samsvar med lov, forskrift, god revisjonsskikk i Noreg og ISA-ane, utøver vi profesjonelt skjøn og viser profesjonell skepsis gjennom heile revisjonen. I tillegg:

- identifiserer og anslår vi risikoane for vesentleg feilinformasjon i årsrekneskapen, anten det skuldast misleg framferd eller feil som ikkje er tilsikta. Vi utformar og gjennomfører revisjonshandlingar for å handtere slike risikoar, og hentar inn revisjonsbevis som er tilstrekkelege og formålstenlege som grunnlag for konklusjonen vår. Risikoen for at vesentleg feilinformasjon som følgje av misleg framferd ikkje blir avdekket, er høgare enn risikoen for feilinformasjon som skuldast feil som ikkje er tilsikta, sidan misleg framferd kan innebære samarbeid, forfalsking, bevisste utelatingar, feil presentasjonar, eller brot på interne kontrollrutinar.
- opparbeider vi oss ei forståing av intern kontroll som er relevant for revisjonen, for å utforme revisjonshandlingar som er føremålstenlege etter tilhøva, men ikkje for å gi uttrykk for ei meining om effektiviteten av kommunen sin interne kontroll.
- evaluerer vi om rekneskapsprinsippa som er brukte, er føremålstenlege, og vi vurderer om rekneskapsestimata og tilhøyrande noteopplysningar som er utarbeidde av leiinga, er rimelege.
- konkluderer vi, basert på innhenta revisjonsbevis, på om leiinga sin bruk av fortsatt drift-føresetnaden i årsrekneskapen er formålstenleg og om det er vesentleg usikkerheit knyta til hendingar eller forhold som kan skape tvil av betydning om selskapet si evne til fortsatt drift. Dersom vi konkluderer med at det eksisterer vesentleg usikkerheit, krev det at vi i revisjonsmeldinga har merksemd på tilleggsopplysningane i årsrekneskapen, eller, dersom slike tilleggsopplysningar ikkje er tilstrekkelege, at vi modifiserer vår konklusjon om årsrekneskapen og årsmeldinga. Konklusjonane våre er basert på revisjonsbevis innhenta inntil dato for revisjonsmeldinga. Etterfølgjande hendingar eller forhold kan likevel medføre at selskapet ikkje held fram drifta.
- evaluerer vi den totale presentasjonen, strukturen og innhaldet i årsrekneskapen, tilleggsopplysningane, og om årsrekneskapen representerer dei underliggjande transaksjonane og hendingane på ein måte som gir ei dekkande framstilling.

Vi kommuniserer med styret, mellom anna om det planlagde omfanget av revisjonen og til kva tid revisjonsarbeidet skal utførast. Vi utvekslar også informasjon om tilhøve av betydning som vi har avdekket i løpet av revisjonen, samt om eventuelle svakheiter av betydning i den interne kontrollen.

Utsegn om andre lovmessige krav

Konklusjon om forvaltninga

Basert på revisjonen vår av årsrekneskapen slik den er omtalt ovanfor, og kontrollhandlingar vi har funne nødvendige etter internasjonal standard for attestasjonsoppdrag (ISAE) 3000 «Attestasjonsoppdrag som ikkje er revisjon eller forenkla revisorkontroll av historisk finansiell informasjon», meiner vi at stiftinga er forvalta i samsvar med lov, føremålet til stiftinga og vedtektene elles.

Førde 15.6.2023



Bjarte Urnes
Statsautorisert revisor
VESTLAND REVISJON
Kommunalt Oppgåvefelleskap



DØGNVAKT

Tlf. 57 74 36 00



KriSesenteret
i Sogn og Fjordane

www.kriSesenteret.sf.no